



Broj: 02-04-1278/25
Trnovo, 22.05.2025. godine

Na osnovu člana 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), a u vezi s članom 2. stav (1) tačka I) podtačka 2) i podtačka 3) Zakona o javnim nabavkama, u skladu sa Zapisnikom o pregledu i ocjeni ponuda, broj: 02-04-1278/25 od 22.05.2025. godine, u postupku javne nabavke - Sanacija i asfaltiranje puta Proskok - Krstac, Općinski načelnik donosi:

ODLUKU o poništenju postupka javne nabavke

Član 1.

Poništava se postupak javne nabavke radova - Sanacija i asfaltiranje puta Proskok - Krstac, iz razloga što nijedna od primljenih ponuda nije prihvatljiva, shodno članu 69. stav (2) tačka d) Zakona o javnim nabavkama.

Član 2.

Ova odluka objavit će se na web-stranici www.trnovo.ba, shodno članu 70. stav (6) Zakona o javnim nabavkama, istovremeno sa upućivanjem ponuđačima koji su učestvovali u postupku javne nabavke.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-1278/25 od 21.04.2025. godine, nakon izvršene prethodne provjere tržišta. Javna nabavka je provedena putem otvorenog postupka. Procijenjena vrijednost javne nabavke bez PDV-a iznosi 213.675,00 KM. Obavještenje o nabavci broj: 886-1-3-18-3-20/25 na Portalu javnih nabavki objavljeno dana 24.04.2025. godine. Sažetak istog objavljen je u Službenom glasniku BiH.

U konkretnom postupku javne nabavke, nakon isteka roka za prijem ponuda, utvrđeno je sljedeće:

- da je ukupan broj pristiglih ponuda 2,
- da su blagovremeno zaprimljene 2 ponude.
- da je neblagovremeno zaprimljena 0 ponuda.

Dana 22.05.2025. godine Komisija za javne nabavke je dostavila Zapisnik o pregledu i ocjeni ponuda, broj: 02-04-1278/25 od 22.05.2025. godine sa prijedlogom za poništenje predmetnog postupka javne nabavke. Utvrđeno je da u nijedna od primljenih ponuda nije prihvatljiva.

Ponuda ponuđača AD „ROMANIJAPUTEVI“ SOKOLAC, PODROMANIJA BB, SOKOLAC, se odbacuje iz razloga kako slijedi:

Uvidom u ponudu ponuđača broj: 02/05-1756/25 od 16.05.2025. godine, na stranici 5. - obrazac za ponudu i stranici 25. - obrazac za cijenu ponude, naveden je iznos: 354.366,08 kao cijena ponude bez PDV-a odnosno ukupno bez PDV-a. Tenderskom dokumentacijom broj: 02-04-1278/25 od 24.04.2025. godine, u tački 5.2 - utvrđena je procijenjena vrijednost nabavke u iznosu 213.675,00 KM bez PDV-a.

Imajući u vidu odredbu člana 2. stav (1) tačka 1) podtačka 2) Zakona o javnim nabavkama, ponuda je neprihvatljiva ako cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta. Članom 2. stav (1) tačka 1) podtačka 3) Zakona o javnim nabavkama propisano je da je ponuda nepravilna ako nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

U konkretnom slučaju ponuda AD „ROMANIJAPUTEVI“ SOKOLAC, PODROMANIJA BB, SOKOLAC je neprihvatljiva jer prelazi planirana, odnosno obezbijedena novčana sredstva ugovornog organa za nabavku, ali i nepravilna jer nije u skladu sa tenderskom dokumentacijom.

Imajući u vidu prednje, s ponudom se imalo postupiti u skladu s članom 68. stav (4) tačka i) a u vezi s članom 2. stav (1) tačka 1) podtačka 2) i podtačka 3) Zakona o javnim nabavkama, odnosno dostavljena ponuda je neprihvatljiva i nepravilna, te se ista odbacuje.

Ponuda ponuđača „GP ING“ D.O.O. SARAJEVO, HIFZI BJELEVCA BR. 5, ILIDŽA, se odbacuje iz sljedećih razloga:

Uvidom u ponudu broj: OP 007-V-dj/25-1 od 21.05.2025. godine, na stranici 5. - obrazac za ponudu i stranici 12. - obrazac za cijenu ponude, naveden je iznos: 299.250,00 kao cijena ponude bez PDV-a odnosno ukupno bez PDV-a. Tenderskom dokumentacijom broj: 02-04-1278/25 od 24.04.2025. godine, u tački 5.2 - utvrđena je procijenjena vrijednost nabavke u iznosu 213.675,00 KM bez PDV-a.

Imajući u vidu odredbu člana 2. stav (1) tačka 1) podtačka 2) Zakona o javnim nabavkama, ponuda je neprihvatljiva ako cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta. Članom 2. stav (1) tačka 1) podtačka 3) Zakona o javnim nabavkama propisano je da je ponuda nepravilna ako nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

U konkretnom slučaju ponuda „GP ING“ D.O.O. SARAJEVO, HIFZI BJELEVCA BR. 5, ILIDŽA je neprihvatljiva jer prelazi planirana, odnosno obezbijedena novčana sredstva ugovornog organa za nabavku, ali i nepravilna jer nije u skladu sa tenderskom dokumentacijom.

Imajući u vidu prednje, s ponudom se imalo postupiti u skladu s članom 68. stav (4) tačka i) a u vezi s članom 2. stav (1) tačka 1) podtačka 2) i podtačka 3) Zakona o javnim nabavkama, odnosno dostavljena ponuda je neprihvatljiva i nepravilna, te se ista odbacuje.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Na osnovu naprijed navedenog, odlučeno je kao u članu 1. Odluke.

POUKA O PRAVNOM LIJEKU

Protiv ove odluke može se izjaviti žalba u roku od deset dana od dana prijema iste. Žalba se izjavljuje Ugovornom organu u pismenoj formi direktno, elektronskim putem ili preporučenom

- poštanskom pošiljkom. Žalba se podnosi u dovoljnom broju primjeraka, a koja ne može biti manji od tri.



Općinski načelnik
Po ovlaštenju Općinskog vijeća

Dostavljeno:

- Ponuđačima
- web stranica
- a/a

